

CAPODANNO 2017

Nanca 'l temp de vedel comincià
L'è bel e che chi a voréssen 'ndà,
Som 'dré di' d'on altr'an, mia cara gent,
E gh'è poc de fa festa, de vess content !
Gh'emm de ringrazià, putost, che oramai
In talment tanti che se fa fadiga a cuntai !

In tuti 'sti an : quanti noità !
Pareven el “top”, ma in subit passà.
On po' 'me la moda che la dura on moment
E l'è subit finida, la cunta pu nient.

Quel che aspetom, a di' la verità,
L'è on ben ch'el dura e mai el finirà.
Ma gh'è on Queivun che me l'ha prometu?
Oh! Sì', v'el 'sicuri : fidemes de Lu !

Don Arnaldo